

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

26. De Vigilia & Natali Domini, ejusque Octava.

Nutzungsbedingungen

[urn:nbn:de:hbz:466:1-54780](#)

26. De Vigilia & Natali Domini,
ejusque Octava.

Ex Gav. Sect. 6. de proprio de tempore c. 4.
& 5. noto seqq. 1mo. Cum Vigilia hæc
sit illius festi, quod est initium salutis nostræ, ju-
re cum exaltatione celebranda est. Et hinc of-
ficium est partim [scilicet in Matutino] feria-
le, quia Vigilia est. Partim festivum, scilicet à
Lunaribus. Communiter flectuntur genua ad
ea verba *In Bethlehem terrâ Iudæ usque ad hæc*
Secundum carnem. Sicut ad *Incarnatus est, Ver-*
bum caro factum est. Humiliato enim ad terras
Deo, & nos profundius solito humiliari decet,
2do. In Natali Domini Lectiones primi Noctur-
ni leguntur sine titulo, quia jam non per Pro-
phetas, sed in & per Filium præsentem nobis
loquitur Deus attestantem ea, quæ de ipso Pro-
phetæ edixerunt. Responsoria sunt quasi Xe-
nia, quæ deferuntur partim puero nato, partim
Deiparæ. In primo Responsorio additur *Glo-*
ria &c. in gratiarum actionem pro tanto bene-
ficio. In tertio Nocturno multiplicatur Allelu-
ja ad Antiph. quia ut alibi dictum tertium No-
turnum significat tempus gratiæ, adeoque in eo
nobis intimari debet lætitia per Christum com-
municata. 3to. Dividitur Matutinum à Lau-
dibus, & inter utrumque cantatur Missa. Quia
Matutinum olim vocabatur *Nocturna*, & Lau-
des *Matutina* ad diem potius inchoantem, quam
noctem pertinens; & hinc congruè, cùm pri-
ma Missa fiat de nocte, ea cantatur ante Laudes.

4to.

4to. Antiphonæ in secundis Vesperis Nativitatis Tecum principium Eccl. sunt privilegiatae cum Psalmis, ut scilicet nulquam omittantur infra Octavam hanc, nec fiat sola ejus commemoratione, ut mos est in Octavis aliis, quando officium integrum habetur de festo sequente. Et hoc partim fit ob gaudiosum toti mundo mysterium Nativitatis Christi, quod aliarum festivitatum initium est, adeoque diu recolendum. Partim quia infra Octavam Nativitatis admittuntur quotidianie festa Sanctorum, quæ ab Octava Epiphaniæ, Paschatis, Pentecostes, Corporis Christi vel omnino excluduntur, vel parçè admittuntur.

5to. In festo SS. Innocentum non dicitur *Te Deum* ob lacrymas matrum. In Dominicâ verò & octavâ die dicitur. Quia Dominicâ, in quam incidit festum SS. Innocentum, est extra tempus illud, quo in Dominicâ non dicitur *Te Deum*; & per se dies Dominicus lætitiam Resurrectionis Christi exhibet, quæ omnes absorbet lacrymas. Et quia dies octava semper beatitudinem significat omnes pariter absorbetem lacrymas, hinc in die Oct. festi SS. Innocentum, *Te Deum* quoque dicitur. Eadem esset ratio teste Gav. si titulus Ecclesiæ esset SS. Innocentum. Nam & tunc non esset dolendum, & ideo quoque tractus omittendus.

6to. Circumcisionis festum institutum post tempora S. Greg. Antiphonæ probant simul esse festum B. V. idem confirmat Oratio *Deus qui salutis.*